

юща блаженне, зарями божественныхъ подвиговъ твоихъ. Тѣмже свѣтоносную и честную память твою усердно почитающе, прилѣжно вопіемъ ти: страдалцевъ удобреніе, моли Христа Бога, грѣховъ оставленіе подати чтущимъ любовію святую память твою.

ПѢСНЬ д.

Ірмосъ: Сѣдай въ славу:

*Святый мучениче Мино моли Бога о насъ.*

Кропленіемъ твоихъ кровей погасоша угліе многобожія, полкъ же демонскій погрузися, Христова же церковь наполнися, страстотерпче всеблаженне Мино, хвалящи тя.

Иже на древѣ повѣшеніемъ, мучениче, образуещи страсть крестомъ горкаго змія умертвивша, строганія мужественно терпѣль еси, ходатаиствующыя тебѣ наслажденіе, иже на небесѣхъ.

Паче естества болезни страдалче, искушеніе пріялъ еси, и Божественное раченіе, твое удержавши естество, забвеніе пріяти творяще, поучающая ты простиратися къ ранамъ веселящаяся.

*Богородиченъ.*

Бога воплощенна неизреченно родила еси непкусобрачная, отъ кровей твоихъ домъ себе соз-